

老人曰。少年不能飲。老夫自飲。可登此樓乎。伯壽欣然從之。既上。聞無一人。老人一舉已斗餘矣。熟視伯壽曰。少年人清氣足。可以致神仙。然肩骨低。一指猶位躋三品。至老年文武雙全。子孫蕃衍。乃授以丹術。元豐二年冬。予自蒲中之京師。訪伯壽於嵩陽。是時年七十。又四矣。同登峻極。行步如飛。予與登封令龐元常。杜子春。明經奔喘不及。伯壽顧而笑曰。三年少。乃爾耶。袒露髀股。示人皆肉皮。瘦骨毛長數寸。扣之有聲。光彩爛然。足采歌歌所為大曲。略數千言。響振山谷。累夕對榻。竟旦不眠。至元祐初。方卒。無疾也。

李守真

郭祖受命討守真。駐師河中。城下逾年。望氣者言守真必破。城下有三天子氣。謂郭祖柴世宗太祖也。守真猶豫不決。使術者視家人。至子婦符氏。術者大咤曰。母后相也。守真曰。吾婦乃爾。吾可知矣。遂決。既擣城。無砲材。頗患之。居一日。河水自上浮木。千百皆砲材也。守真大喜。以為受命之符。其後既破。郭祖以符氏納世宗。是為符后。

案詢其所自。曰。今春不第。將還洛也。宗魯不復之京師。與之同歸洛中。其父詰之曰。今既得貴婿。可復回矣。此人生不出。選調死封真王。於是婿之。乃張堯封也。實生溫成皇后。天聖中登進士第。終亳州軍事推官。後封清河郡王。

游宦紀聞

張世南

蘇翁

蘇翁者。初不知其何許人。紹興兵火未。來豫章東湖南岸。結廬獨居。待鄰右有恩禮。無良賤老穉。皆不失其懽心。故人愛且敬之。稱曰蘇翁。猶祖翁婦翁云。身長九尺。美鬚髯。寡言笑。布褐草履。終歲不易。未嘗疾病。筋力數倍於人。食啖與人亦倍。巨錘長柄。略與身等。披荆棘。轉瓦礫。開廢地為圃。或區或架。或籬且墜。應四時蔬菜。不使一闕。藝植耘耜。皆有法度。灌注培壅。時刻不差。雖隆暑極寒。土石焦灼。草木凍死。圃中根莖芽甲。滋鬱暢茂。以故蔬不絕圃。味眎他圃。蔬為最。勝市鬻者。利倍而售速。每先期輸直。不二價。而人無異辭。畫爾治圃。宵爾織屨。屨堅韌。革鳥可穿。屨不可敗。織未脫手。人爭買之。以

陳彭年

嘉祐末。余在太學。有傭書陳達者。攜一子方孩。饑凍不可支。書亦不佳。或曰。此陳彭年嫡孫也。其父彥博守汀州。以賊敗。杖脊流海島。遂至無賴。時余方冠。未知彭年之為人。獨念祖為執政。而孫已若是耶。既而見劉貢父。盡得彭行事。所謂九尾野狐者。乃知天之報也不差。後達困甚。與其弟歸。發彭年家。取金帶分貨抵罪云。

朱雀門制

熙寧以前。凡郊祀太駕還內。至朱雀門外。忽有綠衣人出道。蹣跚潦倒如醉狀。乘輿為之少扼。謂之天子避酒客。及門。兩扇遽闔。門內抗聲曰。從南來者。是何人。門外應曰。是趙家第幾朝天子。又曰。是也不是。應曰。是開門乘輿。乃進。謂之勘箭。此近司門符節之制。然踏襲鄙俗。至是果命罷之。

李建中

西京留臺李建中。博雅多藝。其子宗魯善相人。一年春榜之京師。命擇婿。行次任村逆旅。方就食。有丈夫荷布囊。從驅驢。亦就食於逆旅。宗魯一見。前揖寒溫。延之共

饋。遠號曰蘇公。屨薪米不至。匱乏。且有餘羨。喜周急。人有貨假。隨力所及。償與否。一不經意。閉門高臥。或危坐終日。人莫測識。先是高宗南渡。急賢如饑渴。時張公浚為相。馳書函金幣。且移書屬豫章。漕及帥曰。余鄉人。蘇雲卿。管樂流亞。遁跡湖海。有年矣。近聞灌園東湖。其高風偉節。非折簡所能屈。幸親造其廬。為我必致之。漕帥密諭物色。彼人曰。此有灌園蘇翁者。無雲卿也。漕帥即相與變服為游客。入其圃。翁連鋤不顧。二客前揖與語。翁良久問客何從來。乃延入室。土鏗竹几。輝光溢然。地無纖塵。案上留西漢書一册。二客神融意消。恍若自失。默計曰。此為蘇雲卿也。必矣。既而汲泉煮茗。意稍款接。客遂扣曰。翁仙里何地。徐曰。廣漢。客曰。張德遠廣漢人。翁當識之。曰。識之。客遂泛問張公世系材品。翁歷歷陳叙。且曰。不知張今何官。蓋其初不料張公使其訪己。而欲致之也。二客遂笑謂翁曰。某等備乏漕帥。實非游者。張公今秉相權。令某等造廬。以禮致公。共濟大業。出書函金幣於其案上。翁色邊變。喉中隱隱有聲。似怨張公暴已者。至是始知翁廣漢人。即雲卿是已。然終不知雲